

# *NY FINOANA*

 Fa tsy maintsy mampiasy ny finoana an'Andriamanitra ianareo, mba hampety an'ilay izy. Hitanareo? Noho izany dia manana ny fitsangananareo manokana ianareo ao anatinareo. Ny fitsangananareo dia mipetraka ao anatinareo, ao amin'ny fanahinareo.

<sup>2</sup> Ankehitriny, fantatrareo, rehefa maty teo amin'ny hazo fijaliana Jesosy hoe, "Nidina tany amin'ny helo ny Fanahiny ary nitory tamin'ireo fanahy izay tao an-tranomaizina, izay tsy nibebaka tamin'ireo andron'ny faharetan'i Noa." Ny Vatany no nandeha tao am-pasana. Fa, talohan'ny Nahafatesany, dia nametraka Ny Fanahiny teo an-tanan'Andriamanitra Izy. Teo an-tanan'ny... "Eo an-Tànanao no apetrako Ny Fanahiko." Noho izany, hitanareo, Ny Fanahiny nankany amin'Andriamanitra; ny Ainy nankany amin'ny helo; ny Vatany nankany am-pasana.

<sup>3</sup> Ankehitriny, io Fanahy izay tao Aminy io dia ny Fanahin'Andriamanitra. "Io Fanahy io, tamin'ny fotoana samihafa sy fanao samihafa, no nanosotra an'ireo mpaminany, mba hitondra ny Hafatra teo amin'ny olona; amin'ny andro farany, dia amin'ny alàlan'i Kristy; ary ankehitriny, amin'ireto andro farany ireto, dia amin'ny alàlan'ny Filazantsara." Ankehitriny, rehefa mandray an'i Kristy ao am-pontsika isika, dia misy an'izay rehetra ilaintsika ao. Ao ny Fiainana Mandrakizay.

<sup>4</sup> Ankehitriny, tsy afaka niverina i Kristy raha tsy efa tanteraka ny telo andro. Satria, Ny Fanahiny dia tao ambadiky ny fitara-tsary iray, tahaka ny sakana iray, tahaka an'izao, mba tsy Ahafahany miampita an'io sakana io, satria izany no Tenin'Andriamanitra voambara, hoe, "Tsy maintsy mandry ao am-pasana mandritry ny telo andro sy telo alina Izy." Ankehitriny, tsy afaka niverina Izy raha tsy efa tapitra ny telo andro sy alina. Avy eo rehefa tapitra ny telo andro sy alina, dia novahana Ny Fanahiny. Izany dia nandeha nivantana teo amin'ny Ainy, ary niverina ny Ainy ka naka an'ilay vatana, ary nananteraka an'izay Nolazainy. "Manana fahefana hanolotra ny Aiko Aho. Manana fahefana haka azy indray Aho. Manana fahefana Aho."

<sup>5</sup> Ankehitriny, ny tsirairay avy aminareo dia manana fahefana, tahaka an'izany ihany, satria zanakalahy sy zanakavavin'Andriamanitra ianareo. Ary ilay tena Fanahy mihitsy izay ao anatinareo, izao maraina izao, ny Fanahy Masina izay ao anatinareo izao maraina izao, io Fanahy Masina iray io

ihany no hanangana anareo. Noho izany, dia manana fahefana hanangana ny tenanareo indray ianareo.

<sup>6</sup> Rehefa maty ianareo, ny ainareo dia handeha ao anatin'ny—ny...eo ambanin'ny alitaran'Andriamanitra, fa tsy ao...ao amin'ny Fanatrehan'Andriamanitra avy hatrany. Ankehitriny, ny fanahinareo dia handeha hankany amin'Andriamanitra, saingy tsy afaka miverina ianareo. Tsarovy, ao amin'ny Baiboly, dia Izao no voalaza hoe ny fanahy... “Ireo aina teo ambanin'ny alitara, dia miantsontso hoe, “Tompo, mandra-pahoviana, mandra-pahoviana?”” Ary tsy afaka niverina izy ireo raha tsy tanteraka ny Soratra, ary, tahaka an'i Kristy, tsy afaka niverina raha tsy tanteraka ny Soratra. Noho izany, taorian'ny, rehefa vita io rehetra io, tapitra ny fiaretana rehetra, ary ireo rahalahy dia niaritra an'ireo zavatra iray ihany ireo, na niaritra tahaka ny niaretan'izy ireo isika, sy ny sisa; amin'izay fotoana izay, amin'io andro io, dia ho fantatrareo marina tokoa hoe aiza ianareo no milevina, havotsotr'Andriamanitra ny fanahinareo ka hankeo amin'ilay aina.

<sup>7</sup> Ankehitriny, ny aina dia ilay ampahanareo izay mahafantatra sy mahazo, ny fahalalanareo. Tsaroanareo ve ilay fahitana izay azoko vao tsy ela akory izay, na ilay famindràna, nandeha nankao amin'io toerana io ka nahita an'ireo olona ireo? [Hoy ny fiangonana hoe, “Amena.”—Mpand.] Ankehitriny, ny fanahinareo dia hiverina amin'io vatana io, ary io—io karazana vatana io, ilay aina, dia vatana iray izay tsy mihinana sy ny sisa. “Raha ravàna ity tabernaklan’ny tany ity, dia manana anankiray efa miandry isika,” vatandanitra iray. Ary miaraka amin'io fanahy io, sy io aina ary vatan-danitra io, dia hanangana indray an'ity vatana ara-boajanahary ity ianareo ho an'io Arivo taona lehibe io. Hitanareo? Manana an'ilay fahefana ianareo ankehitriny ao anatinareo, mba hanaovana an'izany, ankehitriny. Fa, io fahefana izay anananareo ao anatinareo io ankehitriny, dia afaka hanao tontolo vaovao iray. Andriamanitra dia tsy manana toerana kely, malemy; sy toerana goavana, mavesatra izay matanjaka. Ny fikasihan'Andriamanitra faran'ny kely indrindra dia faratampon'ny hery, hitanareo, ny fikasihan'Andriamanitra faran'ny kely indrindra. Noho izany, dia mahafantatra ianareo.

Noho izany dia miezaka aho ny mampiditra anareo ao amin'ilay finoana ankehitriny.

<sup>8</sup> Fantatrareo fa nisy zavatra nitranga taminareo, amin'ny maha-Kristiana iray. Mahafantatra ve ianareo? [Hoy ny fiangonana hoe, “Amena.”—Mpand.] Nandeha *teto* ianareo fahiny tao amin'ilay loto, niaraka tamin'ny loto sy fahotana rehetra, ary nisotro, sy niloka, ary—ary ireo zavatr'izao tontolo izao. Eny, vantany vao nino ianareo fa namela ny fahotanareo Kristy, dia niakatra tany ambonin'io karazan-javatra io ianareo. Ankehitriny dia mandeha *eto* ianareo, hitanareo, eo ambonin'io

rehetra io. Nahoana? Satria mino ianareo fa Kristiana iray ianareo. Noho izany rehefa nanaiky an'i Kristy ianareo, ka tonga taminareo ny Fanahy Masina, amin'izay fotoana izay dia manana finoana ao amin'ny Fanahy Masina ianareo, izay manome anareo ny fahefana handeha eo ambonin'io karazana fiainam-pahotana iray io.

<sup>9</sup> Eny, ankehitriny, ny zavatra tokana tokony hataonareo, dia ny mandeha avoavo kokoa ao amin'ny fanasitranana, manana finoana betsaka fotsiny, izao fotsiny—manohy manosika an'izany hivoaka fotsiny. Hitanareo? Ary eo ianareo izao. Ankehitriny ary raha marary ianareo, ka tsy Kristiana iray, dia aoka ho lasa Kristiana iray izao ankehitriny izao, mba hahatongavan'io herin'ny fanasitranana io ao anatinareo, amin'ny alàlan'ny fahalasanana ho Kristiana iray. Ary izany no hanome anareo ny finoana handeha eo ambonin'ny fahotana. Izany no hanome anareo ny finoana. Ary ny zavatra rehetra izay ilainareo, ao amin'izao fivahinianana izao, dia ao anatinareo mihitsy ankehitriny. Fa ny zavatra tokana tokony hataonareo dia ny manana finoana an'Andriamanitra, izay manosika an'ireo zavatra tsara ireo hivoaka aminareo, izay ao anatinareo, amin'ny alàlan'ny Fanahy Masina. Azonareo mazava tsara ve ankehitriny? Azonareo ve ilay izy? [Hoy ny fiangonana hoe, "Amena."—Mpand.]

<sup>10</sup> Mino aho fa i Billy no niteny tamiko, omaly hariva, niantso ahy ka nanao hoe, "Tongava, izao maraina izao, indrindra ho an'ny olona anankiray izay tonga, nihevitra fa nanana fotoana isika tamin'ity herinandro ity, an'ireo Tombokase Fito." Ary nitondra ankizy iray marary izy ireo, mino aho. Ary raha eto ianao ankehitriny, tompoko, dia tsarovy, fa ianao dia tsy afaka... Ny—ny finoanaao no tokony hiasa eo amin'io ankizy io, raha izany no—raha ankizy kely iray, mbola zaza ilay izy.

<sup>11</sup> Fa mamele ahy ankehitriny haka Soratra hafa iray, raha mety tsara izany, vetivety fotsiny. [Mamaly Rahalahy Neville hoe, "Mandrosoa avy hatrany, rahalahy. Amen."—Mpand.]

<sup>12</sup> Tsarovy fotsiny, ankehitriny, ao amin'ireo Filazantsara, mamaky isika ao amin'ny toko faha-16, mino aho, an'ny Asa, izay nisy an'i Paoly sy Silasy izay tao an-tranomaizina indray alina. Ary nokapohina izy ireo satria nandroaka fanahin-devoly avy tao amin'ny zazavavy iray mpanao hatsarana. Ary izany dia... Ary, izy, tezitra nohon'ny amin'izany ireo tompony. Ary nikapoka azy ireo, nanao azy ireo tao amin'ireo tranomaizina anatiny. Ary avy eo rehefa nanao an'izany izy ireo, raha mbola nivavaka i Paoly sy Silasy, dia nandefa horohorontany iray Andriamanitra ka nanozongozona an'ilay fonja.

<sup>13</sup> Ilay mpiandry fonja Filipiana, satria mpifehy zato iray, fa, ny mahavery an'ireo—ireo mpifatony, dia ny fiainany manokana no tsy maintsy haloa ho an'ireo mpifatotra. Notsoahany ny sabany

ka saika hamono tena izy, rehefa nihazakazaka i Paoly ka nanao hoe, "Aza mandratra ny tenanao. Ato izahay rehetra."

<sup>14</sup> Ary ity mpifehy zato ity dia nanana, atao hoe, fiheverana iray izay efa nananan'izy ireo mikasika an'i Paoly sy izy ireo. Mety nihira hira fiderana izy ireo. Mety nijoro vavolombelona izy ireo, na nanao zavatra iray. Fa, na inona na inona ilay izy, dia fantatr'izy ireo fa lehilahy masina izy ireo. Fantatr'izy ireo fa nisy zavatra hafa mikasika an'ireo lehilahy ireo. Satria, haingana mihitsy, dia nanontany izy hoe, "Inona no tokony hataoko mba ho vonjena? Inona no tokony hataoko mba ho vonjena?"

<sup>15</sup> Ankehitriny, hoy i Paoly hoe, "Minoa an'i Jesosy Kristy Tompo, dia ho vonjena ianao sy ny ankohonanao."

<sup>16</sup> Eny, ankehitriny, raha ny finoana an'i Jesosy Kristy Tompo... Izany dia tsy midika hoe *ny* famonjeny no hamony an'ilay ankohonana. Fa raha manana finoana betsaka an'Andriamanitra ho an'ny famonjeny manokana izy, dia afaka mahazo an'ilay finoana iray ihany ho an'ny ankohonany. Ary tokony hiditra ny ankohonany, hitanareo, ilay zavatra iray ihany.

<sup>17</sup> Mitovy amin'izay nataon'i Joba, araka ny nolazaiko indray hariva, tany Georgia tany, tao amin'ny favoriana iray. Hoy aho hoe, "Joba, hoy izy hoe, 'Ankehitriny, tsy fantattro raha nanota ireo zanako, fa ahoana moa raha nanota izy ireo?'" Ary nanana zavatra anankiray natao i Joba, mba ho marina, izany dia, nanolotra fanatitra dorana iray. Nilaza izy fa hanolotra an'ilay fanatitra dorana, ka raha nanota ireo zanany, amin'izay fotoana izay dia ho voavela amin'ny fahotany izy ireo. Ary zavatra tsara iray ny nanaovan'io ray io an'izany. Izany no ray iray tsara fisainana. Mila betsaka amin'izany karazana ray izany isika amin'izao andro izao. Ary nanolotra an'ilay fanatitra dorana i Joba. Izany dia talohan'ny nidiran'ny lozany.

<sup>18</sup> Fa rehefa novonoina ireo zanany rehetra, ary noravàna ny ondriny rehetra, sy izay rehetra nananany, nesorina, dia nipetraka teo amin'ny antontan-davenona tao ambadiky ny tranony izy, nihaotra ny tenany tamin'ny singan-tavim-bilany iray.

<sup>19</sup> Efa voamarikareo ve, taorian'ireo andron'ny lozany, rehefa nanomboka namerina taminy indray Andriamanitra? Teo amin'izay nananany biby fiompy iray alina, sy ny sisa, no Namerenany avo roa heny. Ary avo roa heny ny ondriny, ary ny zavatra rehetra dia avo roa heny. Fa efa voamarikareo ve? Fa nomen'Andriamanitra an'i Joba ihany koa ireo zanany fito. Efa mba noeritreretinareo ve hoe taiza izy ireo? Io fanatitra dorana io no naneho azy ireo. Voavonjy izy ireo, tao amin'ny Voninahitra, niandry azy ho tonga. Miaraka amin'izy ireo izy androany. "Ho vonjena ianao sy ny ankohonanao." Hitanareo?

Ankehitriny, nanana zavatra anankiray natao i Joba, mba ho marina, izany dia ny nanolotra an'ilay fanatitra dorana.

<sup>20</sup> Manana zavatra anankiray hatao ianareo, mba ho marina, izany dia, ny manana finoana an'Andriamanitra. Satria, amin'ny finoana no amonjena anareo, amin'ny finoana no anasitranana anareo, amin'ny finoana no ahazoanareo ny zavatra rehetra izay ananananareo. Hitanareo? Izany dia amin'ny finoana, no inoanareo an'ilay izy. Ankehitriny, "Minoa an'i Jesosy Kristy Tompo, dia ho vonjena ianao sy ny ankohononanao."

<sup>21</sup> Ankehitriny, tompoke, raha manana an'ilay zazakely ianao eto mba hivavahana, dia minoa, ny tenanao. Eto aho hametraka ny finoako miaraka amin'ny anao, ary hino isika, miaraka, fa hanasitrana an'ilay zazakely Andriamanitra.

<sup>22</sup> Hitanareo, manana an'ilay fahefana isika ao anatintsika hanaovana an'izany. Manana an'ilay fahefana ianareo ao anatinareo hanaovana an'izany. Ny Kristiana rehetra dia manana an'ilay fahefana hanaovana an'izany. Fa ankehitriny raha afaka fotsiny isika hanana... Io fahefana io dia fehezin'ny lalàna iray.

<sup>23</sup> Araka ny nolazaiko mazàna, izany dia tahaka ny hery misinton'ny tany mifehy ny rano, satria lalàna iray izany. Ny hery misinton'ny tany no mifehy ny rano.

<sup>24</sup> Ny masoandro, dia fehezin'ny—ny...na ny tany, ny fihodinan'ny tany. Tsy afaka manao ny masoandro hanao zavatra anankiray mihitsy ianareo, avy eo dia hanao hoe, "Mino aho fa te-hatory elaela kely aho. Mihazòna ora iray." Tsy hanao an'izany izy, hitanareo, satria misy ny lalàna iray. Raha hiasa arak'io lalàna io ianareo, eny, amin'izay fotoana izay, dia ho mety tsara ny zavatra rehetra. Raha handeha hatory ara-potoana ianareo, dia afaka mifoha ara-potoana. Ary ianareo raha...

<sup>25</sup> Ohatra manana ny Lake Superior isika, Lake Ontario, Lake Huron, sy ireo Great Lakes rehetra eto ireo. Manana tany an'alinaliny isika any Nevada, sy California, sy Arizona, ary New Mexico, izay mihamay, noho io rano io, tany izay hampaniry ny zavatra rehetra. Afaka mamoky an'izao tontolo rehetra izao ianareo, any, raha nanana an'io rano io, izay eto, any. Ary tsy hanelingelina an'io izany, satria loharano mamahana izy. Vantany vao ritra fotsiny izy, dia miakatra fotsiny indray eo amin'ny haavo mihitsy, satria ny hery misinton'ny tany no mihazona an'izany ao. Eny, ankehitriny, raha afaka miasa arak'ilay lalàn'ny hery misinton'ny tany ianareo, dia afaka maka an'ireo Great Lakes rehetra ireo ka manondraka an'io firenena manontolo any io, ary mamoky an'izao tontolo rehetra izao, tsy hisy olona ho noana. Fa tsy afaka mipetraka eto ianareo ka manao hoe, "Hia. Hitako ilay izy. Azo antoka." Tsy maintsy mandeha manao an'ilay izy ianareo.

<sup>26</sup> Eny, tahaka an'izany koa ilay izy amin'ny lalàn'Andriamanitra. Ny lalàn'Andriamanitra dia finoana. Ary manana finoana isika eto, izao maraina izao, hanasitrana ny aretina rehetra, hanaovana ny zavatra rehetra. Fa fehezin'ny lalàna iray izany, ary izany lalàna izany dia ny finoana. Ny lalàn'Andriamanitra dia ny finoana. Hoy Jesosy hoe, "Na inona na inona zavatra irianareo, rehefa mivavaka ianareo, raha mety mino ianareo fa azonareo izany, dia afaka mahazo an'izany ianareo." Eo ianareo izao. Noho izany, dia ny finoana no mifehy an'izany, ary ny finoana dia nomena antsika arak'izay ilantsika azy fotsiny. Ankehitriny, isika dia tsy maintsy . . . Andriamanitra dia mitsinjara finoana iray ho an'ny sasany amintsika, ny sasany finoana hafa iray. Izany dia tsy hery lehibe iray ivelan'ny voajanahary izay anananareo. Satria, rehefa lasa Kristiana iray ianareo, ianareo—dia efa manana an'ilay hery ianareo, saingy tsy ampy finoana hampiasana an'io hery io.

<sup>27</sup> Noho izany ankehitriny, izao maraina izao, rehefa tonga ianareo mba hivavahana, dia tsarovy, fa ny Baiboly no efa nilaza an'ity. Marina ity. Jakoba 5:14, "Raha misy eo anivonareo, marary, dia aoka izy ireo hiantso an'ireo loholon'ny fiangonana. Aoka izy ireo hanosotra diloilo azy ireo, ary hivavaka eo amin'izy ireo. Ny vavaky ny finoana no hamonyjy an'ilay marary, ary Andriamanitra hanangana azy." Teny fikasana iray izany, raha hino an'izany ianareo. Noho izany, hitanareo, ny fanasitrana dia voatsinjara ho an'ny isam-batan'olona.

<sup>28</sup> Nisy tamin'ny andron'i Jesosy avy any Nazareta. Tsy afaka nanasitrana olona Izy nohon'ny—nohon'ny finoan'izy ireo manokana. Hoy Izy hoe, "Mety Aho, raha mino ianao. Raha mino ianao fa mahay manao an'io Aho, dia afaka manao an'izany Aho." Raha mety mino an'izany ianao!

<sup>29</sup> Noho izany, ny olona sasany dia manankina ny—manankina ny herin'ny fanasitrana amin'ny iray hafa, ireo evanjelista. Tsy izany ilay izy. Ao anatinareo ny herin'ny fanasitrana. Ao anatinareo izany. Mametraka fotsiny ny sarety eo alohan'ny soavaly izy ireo. Tsy manana fahefana hanasitrana ilay evanjelista.

<sup>30</sup> Ny Fanahy Masina no manana fahefana hanasitrana, ary manana ny Fanahy Masina ianareo. Izany ilay hazo kely izay maha-izy anareo, ary ny zavatra rehetra izay ilainareo dia ao anatinareo. Koa, noho izany, dia manomboha misotro fotsiny avy amin'ny fampantanen'Andriamanitra, manao hoe, "Izany no fahamarinana. Andriamanitra no nilaza fa hanasitrana ahy Izy. 'Tamin'ny Dian-kapony no nahasitrana ahy.'" Eo ianareo izao. Fantatrareo ve izay ataonareo? Manomboka manosika fanasitrana hivoaka ianareo, izay ihany. Hitanareo? Ary amin'izay fotoana izay, dia afaka mahita an'izay anananareo ireo hafa.

<sup>31</sup> Ankehitriny inona ny hoe, “Ny finoana no fahatokiana an’ireo zavatra antenaina; fanehoana an’ireo zavatra tsy hita.”

<sup>32</sup> Mety manatsatoka an’io hazo kely io eo aho. Tsy mahita an’ireo paoma aho, saingy ao anatiny ao izy ireo. Io hazo kely io dia mahafantatra fa ao anatiny ao izy ireo. Noho izany dia manomboka misotro fotsiny izy, manosika ary manosika, satria fantany hoe, “Ato anatiko izany. Havoakako eto izany afaka kelikely. Omeo fotoana kely aho. Ihazony fotoana kely fotsiny aho.” Manohy misotro fotsiny izy. “Hia, fantattro fa ato anatiko ireo paoma. Hamoaka azy ireo aho, afaka kelikely.” Ary ny zavatra voalohany fantatrareo, indro fa tonga izy ireo. Indro tonga ireo paoma, satria nino izy fa tao anatiny izy ireo.

<sup>33</sup> Ary raha mino ianareo fa ao anatinareo ny herin’ny Fanahy Masina, mba hanasitrana anareo, dia eo ianareo izao. Manohiza manosika fotsiny. Hitanareo? Manana finoana ianareo. Tsy afaka mahita an’ireo vokatra eo no ho eo ianareo. Tsy mahita an’izany ianareo.

<sup>34</sup> Ankehitriny, hitanareo, Jakoba dia nanamarina an’i Abrahama tamin’ny alàlan’ireo asany. Paoly dia nanamarina an’i Abrahama tamin’ny alàlan’ny finoany. Inona àry no lazaintsika, eo amin’ireo anankiroa ireo? Abrahama dia niresaka ny amin’ny . . . Ny tiako lazaina, Paoly dia niresaka ny amin’izay hitan’Andriamanitra tao amin’i Abrahama. Ary Jakoba dia niresaka ny amin’izay hitan’ny olona tao amin’i Abrahama. Hitanareo? Ankehitriny, hitanareo?

<sup>35</sup> Noho izany, dia fantatr’Andriamanitra fa, talohan’ny nahatongavan’ilay zazakely, dia nanana finoana Abrahama. Ary nopofoin’i Abrahama tamin’Andriamanitra izany, tamin’ny fihetsehana toy ny hoe (izy) ho tonga ilay zazakely nefo momba izy. Tsy nanan-janaka izy. Efa maty ny kibon’ny vadiny, ary momba izy. Saingy, kanefa, dia fantany hoe, “Efa tao anatiny tao tany ho any ilay zazakely.” Hitanareo, nanohy nisotro an’ilay teny fikasana izy, niankina tamin’ilay El-Shaddai lehibe an’Andriamanitra, ilay *Nono*. Niankina teo, nisotro, nahafantatra fa Andriamanitra no hanome an’izany ho azy; fantany fa teny fikasana iray izany, ka tsy maintsy Hataony izany.

<sup>36</sup> Ary isika no zanak’i Abrahama. Noho izany dia ndao isika hiankina amin’ny Fampanantenany, ary hihazona eo, mahafantatra fa hanao an’izany Andriamanitra. Izy no niteny an’izany. Mino an’izany ve ianareo ankehitriny? [Hoy ny fiangonana hoe, “Amena.”—Mpand.]

<sup>37</sup> Noho izany dia aoka ny marary hilahatra eto amin’ny iray amin’ireo sisiny na ilay hafa, izay te-hivavahana. Ary raha hiantso ny loholona eto isika ka hanosotra diloilo azy ireo, dia hivavaka ho azy ireo aho, ary hino isika fa Andriamanitra no

hanao ny tsirairay avy amin'izy ireo ho salama. “Raha mety mino ianao.”

<sup>38</sup> Teddy, aiza ianao? Avia eto amin'ity ilany havanana ity. Tsara izany. Ary tiako ianao hitendry ny *Minoa Fotsiny*.

<sup>39</sup> Ary raha mbola manatona izy ireo, dia ndao fotsiny isika hanondrika ny lohantsika, ny sisa amin'ny mpanatrika, ary aoka isika ho ao amin'ny vavaka ho an'ireto olona izay manatona ireto.

<sup>40</sup> Rainay any An-danitra, mitondra eo Aminao izahay, izao maraina izao, amin'ny Anaran'i Jesosy Kristy, an'ireto olombelona mahatrantra, marary, mijaly ireto izay ao anatin'izao toerana mahatsiravina, mampidi-doza izao. Mino Anao aho, Tompo. Izaho—fantattro fa marina Ny Teninao. Tena marina Izzy ireo! Tsy mety diso Izzy ireo, satria Izzy ireo dia Tenin'Andriamanitra Mandrakizay sy mandrakizay. Mahery tanteraka Izzy ireo, tahaka an'Andriamanitra, satria Ampahamy Izzy ireo. “Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika.” Ankehitriny, mino an'izany izahay, Tompo, amin'ny fonay rehetra, amin'ny fanahinay rehetra, amin'izay rehetra ao anatinay. Mino an'izany izahay.

<sup>41</sup> Ary niezaka aho, tamin'ny fomba tsotra, tahaka ny zaza, nanolotra an'izany tamin'ny olona, mba ahazoan'izy ireo sy hahafantarany fa mipetraka ao anatin'izy ireo ilay Herin'Andriamanitra. Raha mba afaka fotsiny hanana ny finoany mantsy izy ireo ka hanaraka an'ireo baikon'Andriamanitra.

<sup>42</sup> Tahaka an'izany no nahavonjy azy ireo. Tonga izy ireo ary nibebaka tamin'ny fahotany, ary natao batisa tamin'ny Anaran'i Jesosy Kristy, arak'ity Baiboly ity, Asa 2. Ary avy eo dia nilaza i Petera, hoe, “Ianareo handray ny fanomezan'ny Fanahy Masina.” Ary indro tonga Izany, marina tokoa, satria Izany no Tenin'Andriamanitra tonga voaseho.

<sup>43</sup> Eny, ankehitriny, ilay zavatra iray ihany, Ray, dia fantatray fa marina, rehefa manosotra diloiloo an'ilay marary izahay, ary mivavaka. “Ny vavaky ny finoana no hamonjy an'ilay marary. Andriamanitra no hanangana azy ireo.” Andriamanitra, enga anie ny tsirairay avy hiala eto amin'ity alitara ity, manodidina an'ity toerana ity izao maraina izao, ho tena sambatra sy hifaly, amin'ny fahafantarana fa Andriamanitra no efa nanasitrana azy ireo. “Mandehana, ary aoka ho salama.” Fa apetrakay Aminao izy ireo ankehitriny, amin'ny Anaran'i Jesosy Kristy.

<sup>44</sup> Enga anie ho sitrana ny tsirairay avy, ka hahazo an'ilay fijery, hoe inona no dikan'izany. “Tahaka an'i Abrahama, niantso an'ireo zavatra ireo, izay tsy misy, ho toy ny efa nisy.” Tsy mampaninona na inona ireo vokany, tsy misy

idiran'izany amin'ny finoana. Tsinontsinona ireo vokany. Efa nihazona ny finoana. "Fa ny finoana no fahatokiana an'ireo zavatra antenaina, ary fanehoana an'ireo zavatra tsy hita." Andriamanitra, enga anie izany hilentika lalina ao am-pon'izy ireo, satria mila Anao izy ireo.

<sup>45</sup> Mandeha aho amin'ny maha-Mpanomponao manetry tena, hitsangana eo miaraka amin'ireo mpanompo hafa, ka hivavaka amin'Andriamanitra mba hametraka ao am-ponay ho an'ireto olona marary ireto. Mangataka an'izany amin'ny Anaran'i Jesosy izahay. Amena.

<sup>46</sup> Nisy olona nilaza fa ato amin'ny tranobe Rahalahy Estle Beeler. Ary mino aho fa misy mpitoriteny hafa iray eto, izay nitarika tao amin'ny vavaka, izao maraina izao. Tianay ny hangataka ny mpitoriteny rehetra eto, na inona ianareo na inona, raha ho tonga eto ianareo ka hijoro manodidina an'ity alitara ity miaraka aminay, vetivety kely, fotsiny, azafady, rahalahy. Ary ireo lehilahy...Rahalahy Ben, misaotra anao. Tongava avy hatrany ka mitsangàna manodidina eto, manodidina ny alitara eto, mba ahafahantsika hanao vavaka miaraka amin'ireto olona ireto, hametra-tàhana eo amin'izy ireo.

<sup>47</sup> Ankehitriny, raha mitendry an'ilay hira izy ireo. Ary ireo mpitoriteny rehetra dia maka ny toerany eto, mba ahafahantsika, ny tsirairay avy, mametra-tàhana eo amin'ilay marary.

<sup>48</sup> Ndao isika hijery, midina avy any amin'ilay tendrombohitra any. Mahita Lehilahy iray tonga aho, izay tsy hafa noho ny lehilahy hafa rehetra. Lehilahy iray tsotra fotsiny Izy, karazana kely vatana, mahia raha ny marina. Raha mahita Azy mijery isika, ny Masony eo amin'ny—ny seho iray miseho eo amin'ilay lohasaha. Ireo Apostolony izany. Nanana zazalahy iray izy ireo teo, izay tratry ny androbe, ary tsy isalasalana fa nilaza izy ireo hoe, "Sitrano izy, Tompo! Sitrano izy!"

<sup>49</sup> Saingy, hitanareo, ny milaza fotsiny hoe, "Sitrano izy, Tompo, sitrano izy," dia tsy hahavita an'ilay izy. Tsy hahavita an'ilay izy mihitsy izany. Tsy maintsy misy zavatra iray ankoatry ny hoe, "Sitrano izy, Tompo, sitrano izy." Hitanareo? Ary raha afaka manao anareo hino an'izany aho, ary mino an'izany amin'ny fonareo rehetra, dia ho sitrana ianareo, raha manao anareo hahita marina tokoa an'ilay fijery aho.

<sup>50</sup> Jereo ankehitriny, ireo mpianatra nitsangana teo ireo, angamba nanozongozona azy, angamba nanosika mafimafy kokoa. "Minoa an'izany, rahalahy! Minoa an'izany! Haleloia! Minoa an'izany! Sitrano izy, Tompo! Sitrano izy!" Fa nijanona teo mihitsy ilay devoly, satria tsy afaka nahita finoana ampy izy teo mba hanao azy hiala.

<sup>51</sup> Fa indro tonga ny Anankiray nidina avy teny amin'ilay havoana. Ary vantany vao fantatr'io devoly io fa hafa kely noho ireo lehilahy hafa izany... Hitanareeo?

<sup>52</sup> Ankehitriny, izany no karazana lehilahy izay tiantsika ho eo, tahaka an'i Jesosy Tompontsika. Hia. Tsy tonga fotsiny ho an'ny fampisehoana iray, fa tonga, tia an'Andriamanitsika, mahafantatra fa isika dia nirahina handeha hanao an'izao. Izao no fanirahantsika.

<sup>53</sup> Avy eo, rehefa nanatona an'ilay ray Izzy. Heveriko fa avy teo no nanoratana an'io hira io, noforonina avy tamin'ny Teny. Hoy izy hoe, "Tompo, mamindrà fo amin'ny zanakolahy, satria ampahorian'ny devoly iray amin'ny fomba samihafa izy." Hoy izy, "Atsipiny ao anaty afo izy, ary paingoriny tanteraka, sy ny sisa." Hoy izy hoe, "Nentiko teo amin'ireo Mpianatrao izy, saingy tsy afaka nanasitrana azy izy ireo. Fa izaho—izaho—nihevitra aho..."

<sup>54</sup> Hoy Izzy hoe, "Afaka Aho, raha hino ianao. Ankehitriny, manana an'ilay Hery Aho ato Anatiko," hoy Izzy, "hanao an'izany, raha mety mino an'izany ianao."

<sup>55</sup> Hamela an'ity vahoaka voafatotry ny homamiadana izay mipetraka eto izao maraina izao ity ve Andriamanitra, izay efa voafatotra, voafatotra eo am-pandriana niaraka tamin'ny homamiadana, sy homamiadan'ny rà, aretina, fahoriania, nanasitrana azy ireo ve Andriamanitra nefo handalo fotsiny anareo? Tsy tahaka an'izany. Tsia. Hitanareeo? Ankehitriny, tsy mety diso Izzy. "Afaka Aho, raha mino ianao." Inona no Nolazainy?

Fa ny zavatra rehetra dia azo atao, fotsiny...

Ankehitriny, Rahalahy Tyler, miakara...?...

Ankehitriny dia minoa fotsiny ihany, minoa fotsiny,

<sup>56</sup> Ankehitriny, raha mivavaka aho, dia tiako ianareeo hametra-tànana eo amin'ireo olona. Na inona na inona ilain'izy ireo, ...?... ary midira avy hatrany eo amin'ilay laharana.

<sup>57</sup> Rahalahy Neville, ianao no manosotra diloilo, ary ireo rahalahy...?...

<sup>58</sup> Tiako ny olona rehetra, ao amin'ny mpanatrika, hiaraka amin'ny lohanareo miondrika ankehitriny. Ny olona rehetra ao amin'ny vavaka Lalina.

Fotsiny...

<sup>59</sup> Tompo, mamindrà fo, mivavaka aho, ka sitrano ireto olona ireto, amin'ny alàlan'ny Anaran'i Jesosy Kristy. Amena.

Amin'ny Anaran'i Jesosy avy any Nazareta...?...

<sup>60</sup> [Mivavaka sy mameatra-tànana eo amin'ny marary Rahalahy Branham sy ireo mpitoriteny, raha manusotra diloiloo azy ireo Rahalahy Neville. Elanelana tsy voaraki-peo—Mpand.]

<sup>61</sup> Tena betsaka, teo amin'ilay laharana, nandinika azy ireo, teo am-pijerena ny fihetsik'izy ireo hoe ahoana izy ireo, mahita hoe ahoana no ihetsehan'izy ireo eo amin'ny hetsika iray. Hitanareo? Misy zavatra iray ny amin'ny hetsika iray, nitsangana izy ireo ary nandroso. Ny zavatra hafa iray, dia ahoana no ihetsehan'izy ireo eo amin'io hetsika iray izay nataon'izy ireo io. Rehefa avy tonga teo amin'ilay toerana mba hinoana izy ireo, hoe, rehefa nivavahana izy ireo, dia ho sitrana, avy eo dia diniho ilay fihetsik'ireo hetsiny.

<sup>62</sup> Ankehitriny, ny pasiterantsika dia manana hafatra tsara iray ho antsika, azoko antoka, izao maraina izao.

<sup>63</sup> Zavatra anankiray izay tiako ho marihina vetivety fotsiny, dia zazavavy Katolika iray izay nitsangana teo amin'ny alitara teo. Andro vitsy lasa izay dia tany an-tranoko izy, izy sy ny vadiny. Ary efa nahafantatra ny vadiny nandrity ny fotoana maromaro aho. Ary—ary nisy zavatra iray raha mbola nipetraka teo amin'ny fifampiresahana manokana iray izahay.

<sup>64</sup> Teo no nahazoanay an'ilay fahitana. Teo izahay no... Nahazo an'izany aho taloha tato amin'ity fiangonana eto ity, saingy nila ny maraina mihitsy izany, sy ny sisa. Ary noho izany dia tao izany.

<sup>65</sup> Tsy nilaza na inona na inona mihitsy aho, satria izy dia zazavavy iray, zavatra hafa iray, voataiza foana tao amin'ny fiangonana Katolika iray, sy ny sisa. Fa lasa izy niresaka ho an'ny reniny. Ary nandrity'io fotoana io, dia nahita fahitana iray ny amin'ny reniny aho. Noteneniko taminy hoe inona ny olan'ny reniny, sy namelabelatrataminy, ary hoe toy ny ahoana ny reniny. Mazava ho azy, izy no mpitsara an'izany, na marina ilay izy na tsia. Tsy mbola nahita ny reniny mihitsy aho, teo amin'ny fiainako. Fantany izany.

<sup>66</sup> Ary ilay zazavavy, izao maraina izao, dia nanatona ny alitara tetra ary nitsangana, mba hanao fiaikena iray, ka nanaiky an'i Kristy ho Mpamorjiny. Nanao an'izany teo amin'ny alitara izy, izao maraina izao.

<sup>67</sup> Rahalahy Neville, tsy nahafantatra, no nanosotra diloiloo azy. Ahoana—ahoana no iasan'Andriamanitra! Nanosotra diloiloo azy, ho an'ny marary. Fa diniho ilay fihetsiky ny Fanahy Masina. Ankehitriny, satria dia voahosotra izy, tsy tena marary, fa voahosotra. Hitanareo ve hoe ahoana no anaovan'izany ny zavatra rehetra hiasa tsara? Nitsangana ho Kristiana iray izy ankehitriny, rehefa avy lasa arak'izay inoantsika azy ho Kristiana iray. Ankehitriny, hoy izy hoe, "Hivavaka ho an'ny reniko ve ianao? Marary izy." Ilay anankiray ihany izany. Noho izany dia voalohany no nampiharana an'ilay fanosorana

diloilo. Nieritreritra aho, mifanentana toy ny ahoana, fa, hitanareo, olona iray izay voavonjy fotsiny. Nanohana antsika rehetra Kristy. Manohana ny rehetra Izzy. Ary vantany vao lasa Kristiana iray io zazavavy io, amin'izay fotoana izay izy dia te-hanohana olona iray, ihany koa, maneho fa tonga ao anatintsika ny Fanahin'i Kristy rehefa tena voavonjy marina tokoa isika. Ankehitriny, tena mahafinaritra tokoa izany. Izaho—mankasitraka an'izany tokoa aho, an'io fanahy Kristiana mahafinaritra an'ny finoana io. Ankehitriny, tsarovy fotsiny.

<sup>68</sup> Ankehitriny, ho an'io ramatoa tanora io, eto izy any ho any, ary ho an'ilay ramatoa Katolika iray hafa izay nandalo. Ary tiako ny hilaza an'ireto teny ireto, alohan'ny hamerenako ny fotoana amin'ny pasiterantsika, hitanareo, dia izao. [Hoy Rahalahy Neville hoe, "Amena."—Mpand.]

<sup>69</sup> Ankehitriny, ny fiangonana Katolika indray mandeha dia tahaka an'ity fiangonana ity. Raha hiverina ianareo ka hamaky ny Baiboly, izay inoantsika, ary fantatrareo fa ny Fiangonana Katolika no Fiangonana voalohany. Marina izany. Saingy nanalavitra an'Ireo Fampianarany izy. *Ity* no fampianaran'ny fiangonana Katolika. Saingy, hitanareo, nanana boky eninjato mahery izy ireo izay nosoratan'ireo papa sy ny sisa, ary izany dia masina tahaka an'ity Baiboly ity ho azy ireo.

<sup>70</sup> Noho izany, hitanareo, izay maha-izy an'ity, dia tsy nanova ianareo. Ny nataonareo, dia niova fo fotsiny ianareo. Hitanareo? Ankehitriny raha raisinareo... Mazava ho azy, heveriko fa ny sasany aminareo angamba, ireo anankiroa, izao maraina izao, dia vehivavy. Mety misy lehilahy Katolika sasany mipetraka eto.

<sup>71</sup> Raha hiverina amin'ny tantaran'ny fiangonana ianareo, raha mety hanontany ny pretranareo ianareo hoe, "Ireo hetsik'ireo apostoly ao amin'ny Baiboly eto ireo, tsy tahaka an'izany ve ilay... Tsy ireo Katolika voalohany ve izany?" Hilaza izy hoe, "Eny." Ary marina izany. Izany izy ireo. Ankehitriny, izy ireo, jereo hoe karazana fivavahana inona no nananan'izy ireo. Nivory tao amin'ny toerana kely, tsotra izy ireo. Tsy nilaza mihitsy izy ireo hoe, "Arahaba ry Maria" na "Ry moperanay." Fombafombam-piangonana iray izany. Inona no nolazain'izy ireo? Nidera an'Andriamanitra izy ireo. Nihiakiaka izy ireo. Nitomany izy ireo.

<sup>72</sup> Jereo eto amin'ny Asa 2, rehefa ilay Apostoly Petera masina, sy Jakoba, ary Jaona, sy izy rehetra no niaraka. Ny Baiboly no nilaza fa niteny tamin'ny fiteny tsy fantatra izy ireo. Ary nihiakiaka izy ireo, ka nihetsika mihitsy aza tena—tena feno ny Fanahy hany ka nihetsika toy ny hoe mamo izy ireo, ary hatramin'ilay izao tontolo izao ivelany aza dia nanontany mihitsy hoe, "Tsy mamo ve izy rehetra ireo?"

<sup>73</sup> Ary tamin'izay fotoana izay i Petera, ilay apostoly, ilay Masindahy Petera masina, rehefa nitsangana izy, dia hoy izy hoe,

“Ry lehilahy sy rahalahy, tsy mamo ireo lehilahy ireo, fa feno ny Fanahy izy ireo,” araka—arak’izay nolazain’ny Baiboly fa izany izy ireo. Ankehitriny, izany no fiangonana Katolika voalohany, araka ny fampianaran’izy ireo.

<sup>74</sup> Ankehitriny, hitanareo, taorian’ny roanjato taona teo, dia nanomboka niditra tao amin’ilay fiangonana ny manan-kaja. Tamin’izay fotoana izay dia inona no nataon’izy ireo? Nanao ny rafi-pandaminany voalohany izy ireo tao amin’ny Fivoriambé Niseana, A.D. 606. Izy ireo dia nanao ny . . . Rehefa natao tao Nise ilay Fivoriambé Niseana, Roma, dia nanomboka nampiditra an’ireo manan-kaja malaza rehetra izy ireo, ary izy ireo dia *nanao* fiangonana iray fotsiny, ka *nanamboatra* fiangonana iray.

<sup>75</sup> Taorian’izany, dia nisaraka in-efatra na in-dimy izany. Izy ireo dia lasa—izy ireo dia lasa avy teo amin’izany, ho eveka; avy teo amin’ny eveka, ho papa iray. Ary avy teo amin’izany, dia indro tonga ny Grika Ortodoksa sy ireo hafa, hany ka nisaraka fotsiny izy ireo, ho eo amin’izay ahitanareo azy amin’izao andro izao. Ao amin’ny karazana fahavakisana rehetra fotsiny izany.

<sup>76</sup> Fa ny ezahanay hatao, ry sakaizako Katolika, hitanareo, izahay dia katolika, ihany koa. Izahay dia katolika voalohany, tany amin’ny voalohany. Ary ny fiangonana izay iantsoan’izy ireo anay ankehitriny, amin’ny ankapobeny, dia voatondro ho pentekotista izahay, satria mino ny fitahiana pentekotista izahay.

<sup>77</sup> Teo no nandrafetana an’ilay fiangonana Katolika. Ary ao amin’ireo rafi-pandaminanay an’ny Pentekosta, androany, raha—raha mbola haharitra dimanjato taona ity izao tontolo izao ity, dia mbola ho mpanara-pototra lavitra noho ny fiangonana Katolika Romana amin’izao andro izao ity rafi-pandaminana Pentekotista ity. Hanalavitra hatrany foana izy, mitovy ihany. Ary rehefa mandrafitra izy ireo, dia manao trano fialofana iray avy amin’izany. Ary amin’izay fotoana izay dia lasa trano fialofana fotsiny izy ireo, ary mambra, sy fanahy tsy niova fo.

<sup>78</sup> Ho an’ireo rahalahy sy anabavy sarobidy, malalako, ho anareo rehetra. Amin’ny maha-mpanompon’Andriamanitra, dia tsy nilaza an’izao mihitsy aho tany aloha, tany amin’izao tontolo izao, tao amin’ity fiangonana ity, dia tsy nilaza mihitsy aho. Fa amin’ny maha-mpaminanin’ny Tompo iray, dia milaza aminareeo aho hoe, “Ity no Hazavana. Mandehana ianareeo ao amin’Izany.” [Mifaly ny fiangonana ary manao hoe, “Amena.”—Mpand.] 

*NY FINOANA* MAG61-0813  
(Faith)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 13 Aogositra 1961, tao amin'ny Branham Tabernacle ao Jeffersonville, Indiana, U.S.A., dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)